



## Fuafuaga mo aoaoga ile Tausaga 11 male 12

O aoaoga mo le Vaega Matutua ose taimi fiafia mo tamaiti aoga i Kuiniselani ma se laasaga taua ile sauniuni mo lo latou lumanai.

O aoga e galulue ma tamaiti aoga i le Tausaga 10 ma o latou aiga ina ia fesoasoani ile fuafuaina o a latou aoga, toleniga ma galuega o loo moemiti iai ma faatulaga ai le ala agai atu ile Tusipasi mo Aoaoga i Kuiniselani poo le Queensland Certificate of Education (QCE).

## Tusipasi mo Aoaoga i Kuiniselani (QCE)

Ole QCE ole tusipasi aupito maualuga lea mo aoaoga i Kuiniselani. E mafai ona amanaiaina faavaomalo ma ose faailoga o tulaga faamanuiaina tau aoaoga ma taumafaiga a le tagata lava ia.

Ole QCE e mafai ai e tamaiti aoga ona faatulaga se faiga e talafeagai mo latou-pe o a latou moemitiga pe a uma le tausaga 10 e mo le:

- aoaoina ile iunivesite
- saili galuega faaaoaga ai le tomali
- aoaoina ile TAFE poo isi polokalame faaleaoaoga

O tamaiti aoga e mafai ona o latou filifili mai le tele o mataupu ma polokalame (courses) e aofia ile Queensland Curriculum and Assessment Authority (QCAA), mataupu, aoaoga ma polokalame tau tomali (VET), aoaoga e faia i totonu o aoga ma polokalame tau aoaoga e amanaiaina.

## Pe faapefea ona faagaioi le QCE?

Ina ia ausia le QCE, e manaomia e tamaiti ona faamaeaina le seti o polokalame faaleaoaoga ua faatulaga mo latou ma ia ausia mea manaomia tau aoaoga ile numera male tusitusi male faitautusi.

### Faatulaga aofa'i

E 20 togi mai courses ia o loo aoaoina, e aofia ai:

- Courses ma mataupu faalautele ele QCAA
- Aoaoga faasauni mo galuega ma agavaa
- Suesuega i fafo mai o Kuiniselani
- Suesuega amanaiaina.

### Faatulaga tulaga

Faamaeaina atoatoa, vaega C pe sili atu, tulaga finafinai poo le agavaa ua ausia, pasi pe talitutusa.

### Faatulaga faasologa

12 togi mai courses ua maea courses mai le vaega ale Core ma togi e 8 mai le tuuafaatasiga o:

- Core
- Preparatory (e oo atu ile 4)
- Complementary (e oo atu ile 8)

### Tusitusi ma Faitautusi & numera

E ao ona ausia e tamaiti mea e manaomia mai le faitautusi/ tusitusi tauala atu i nisi o aoaoga o loo mafai ona ofoina.

## Mataupu ma courses

O ni vaega eseese o mataupu ma courses e mafai ona maua mai ai togi manaomia mo le QCE.

Ole toatele o tamaiti ole a o latou aoaoina mataupu poo courses e ono ile Tausaga 11 male 12. E toatele ole a filifili e faaaoafia ai ma VET courses ose vaega o le latou agai atu mole QCE, ao isi e filifili e faalautele lo latou aoaoina i mataupu tau iunivesite poo isi courses o loo amanaiaina i lalo o lenei polokalame.

Ole mafai ona fetuutuuna'i ole QCE e mafai ai e tamaiti ona filifili le ala (pathway) e fetai ma a latou moemitiga.

I totonu o le faatulagana ua iai nei, e tolu vaega ua iai mo aoaoga - Core (ogatonugalemu), Preparatory (Faasauni) male Complementary (Vaega Faaiu). Afai e ausia uma tulaga ia ona maua loa lea o togi i totonu ole account mo aoaoga ale tamaiti aoga.

### ● Mataupu lautele ale QCAA — Ogototonugalemu o Aoaoga ↑

Mataupu lautele e sauni ai tamaiti aoga mo aoaoga maualuluga, aoaoga faalautele ma polokalame faaleaoaoga ma galuega. O mea uma ia e aofia ai le **oo atu ile fa o togi (credits) ile mataupu** ile QCE mae mafai foi ona fesoasoani ile Australian Tertiary Admission Rank (ATAR). O faaitaiga e aofia ai le Igilisi (English), Matematika Lautele (General Mathematics), Talafaasolopito (Ancient History), Mataupu Faafoma'i (Biology) male Musika Lautele (Music Extension).

### ● Mataupu e Apalai i lalo o le QCAA — Vaega ogatononu o Aoaoga

O Mataupu Apalai e taulai i tomali o loo iai ma sauni ai tamaiti mo le faalauteleina o aoaoga ma toleniga aemaise le ola faigaluega. E **ono oo atu ile fa togi ile mataupu** mo le QCE, male tasi ole Mataupu Apalai e ono fesoasoani i le ATAR pe a tuuafaatasi mataupu Lautele e fa. O faaitaiga e aofia ai mataupu e pei ole Essential English, Essential Mathematics, Business Studies, Industrial Technology male Tulisi.

### ● Courses Pupuu ale QCAA — Vaega Faasauni poo le Vaega Faaiu o aoaoga, fuafua lava ile course

O courses pupuu e fetai ma tamaiti o loo fiafia ile faiga e ui atu i aoaoga tau le tomali poo le faalauteleina o aoaoga aemaise mo galuega. E ono fesoasoani lea **togi e tasi ile QCE**, ae e le fesoasoani la lea ile ATAR. O faaitaiga e aofia ai courses pupuu faatatau ile tusitusi male faitautusi, Courses pupuu ile Numera ma Courses Pupuu i gagana Apoliki ma Torres Strait Islander.

### ● Aoaoga tau tomali poo vocational training (VET) — Core, poo aoaoga ile ogatononu atoa ai male Preparatory or Complementary poo le Faasauni male Vaega Faaiu o aoaoga e fuafua lava ile course course

Ole VET e sauni ai tamaiti mo galuega e tauala atu i aoaoga o tomali ma ose vaega taua o aoaoga mo le au matutua mo le toatele oi latou. Tusa male 60% o tamaiti aoga matutua a Kuiniselani e ausia agavaa mole VET. I nai tausaga ua tuana'i atu nei, o courses aupito i taatele e aofia ai le pisinisi, faamatalaga ma faatekonolosi (ICT), taligamalo, kamuta, toleniga mole malosi faaletino faapea taaloga ma polokalame eseese. Ole VET e ono oo faalautele atu i nisi aoaoga faaopopo ma toleniga e fesoasoani ai ile **oo atu ile 8 togi ile course** mole QCE. Ole aofai o togi ole a suisui lava, fuafua lava ile ituaiga tusipasi o loo sailia. Tasi le VET qualification ile Tusipasi III pe sili atu, e ono fesoasoani ile ATAR.

### ● Isi courses — Core, Preparatory poo le Complementary, fuafua lava ile course

O isi courses e faataga ai tamaiti e suesueina se vaega faapitoa e fiafia pe initalaesi iai, e ala atu i tusipasi o loo amanaiaina ii ma faailoga pe o mataupu faaiunivesite o loo aoaoina ao iai i le aoga. Ole agavaa ile QCE male ATAR ole a suisui lava e fuafua i courses. O isi suesuega e le faia i Kuiniselani e aofia ai le International Baccalaureate ma isi courses e faia i totonu o isi setete.



# Aoaoga mole Vaega matutua i Kuiniselani

Se taiala mo matua ma tausitama mo tamaiti o loo faamaea le Tausaga 12 mai le 2020

## Assessment (Meaaoga)

Ole makaina o tamaiti ile Tausaga 11 male 12 e fuafua lava ile mataupu o loo latou susesueina.

### ● QCAA Mataupu lautele

O Mataupu lautele e iai a latou internal assessments poo meaaoga ia e faia i totonu ole aoga (e faatulaga ma maka ele aoga) male external assessment e tasi (e faatulaga ma maka ele QCAA). Ile tele o mataupu, o le external assessment e aumai ai le 25% ole togi faaiu ole mataupu lea. Ile Matematika ma mataupu faa Saienisi, e 50% o togi e aumai mai le external assessment. O tamaiti i mataupu taitasi uma ia ole a o latou sueina le external assessment ile taimi lava e tasi i aoga uma i totonu o Kuiniselani.

### ● Mataupu Apalai i lalo ole QCAA

O Mataupu ia (applied subjects) e iai a latou internal assessments e fa e (faatulaga ma maka ele aoga). Ile Essential English male Essential Mathematics, o leisi assessment ole common assessment e (faatulaga mai ele QCAA ae maka ele aoga).

### ● Courses Pupuu ale QCAA

O Courses Pupuu e tai lua internal assessments (faatulaga ma maka ele aoga).

### ● VET

Ole a eseese lava assessment ile VET, e fuafua lava ile ituaiga course o loo aveina. E ono aofia ai le vaavaai (observation), meaaoga tusitusia (written assessment), fesili, faataitaiga o galuega poo ni finagalo faaalua mai isi tagata o loo aofia (third party feedback).

### ● Isi courses

O assessments i isi courses ole a suisui lava foi, fuafua lava ile course.

## Ulufale i Aoaoga Mauululuga

Ole Australian Tertiary Admission Rank (ATAR) ole a faaaogaina e filifili ai tamaiti aoga faaiuasoo mo le suega ulufale i aoaoga mauululuga mole 2020. Ole ATAR e faaaogaina i totonu ole atunuu ma e faailoa ai le tulaga ole tamaititi ile faatusa atu i isi tamaiti aoga e agavaa mole ATAR ma o latou foi agavaa. Ole ATAR ale tamaititi i Kuiniselani ole a fua lava i togi ole tamaititi mai:

- Mataupu Lautele aupito i lelei e lima, pe
- Togi aupito i lelei mai Mataupu lautele e fa, faaopoopo ai male Mataupu Apalai e tasi, pe
- togi aupito i lelei o Mataupu lautele e fa, faaopoopo male agavaa mai le VET ile tusipasi III pe sili atu foi.

Ole Queensland Tertiary Admissions Centre (QTAC) ole a o latou faaopoopo ma tuuina atu ATAR mo tamaiti aoga ile Tausaga 12. Ole a e maua nisi faamatalaga faaopoopo ile upega tafailagi: [www.qtac.edu.au](http://www.qtac.edu.au).

## Queensland Certificate of Individual Achievement (QCIA)

Ole QCIA latou te amanaiaina ma lipoti mea ua ausia e tamaiti aoga lea o loo aofia i lalo o polokalame taitasi o loo faia. Ina ia agavaa, e ao ona iai ni aafiaga i tamaiti e faafaigata ai ona susesue pe aoaoina foi, o ia aafiaga e lē tatau ona mafua mai ini tulaga e fesootai ma faafiagiaga ma tulaga tau tupe, tu ma aganuu pe oni gagana foi.

## luga ma lipoti

Ole lipoti ole iuga o suega faaiu a le tamaititi male QCE ole a faalauiloa ia latou account i luga ole upega tafailagi ale myOCE ia Tesema –ile faaiuga lea ole Tausaga 12.

O accounts mo aoaoga a tamaiti ile system fou ale QCE ole a avanoa mulimuli ane ile 2019.

## Nisi faamatalaga

[myqce.qcaa.qld.edu.au](http://myqce.qcaa.qld.edu.au)

Ole upega tafailagi myQCE (mo tamaiti aoga o loo faauma le Tausaga 12 mai le 2020) e saunia faamatalaga e faatatau i mataupu ma courses, assessment ma faaiuga o suega, faamatalaga mole faia o meaaoga ma isi. Talanoa i lau aoga e faatatau i mataupu ma courses o loo ofoina ai.

[qcaa.qld.edu.au](http://qcaa.qld.edu.au)

O nisi faamatalaga e faatatau i aoaoga ale vaega matutua male curriculum ma assessment, e aofia ai ma silapasi mole QCAA, o loo avanoa ile upega tafailagi ale QCAA.

Novema 2019



Mo aoga uma i Kuiniselani